

M549: Mainzer Friedgebot von 1300

- 0,1 In godes namen. amen. Wir der Scholtheize. die Rehtere. die Radherren
vnd die burger gemeinliche fon Meinze. setzin
- 0,2 vnde machin an difem geinwurtigin brieue. Gode von hiemilriche. zu liebe
vnde zu erin. vnde zu gemache. vnd zu
- 0,3 vriden. leigen. criften. vnde iuden. richin vnd armen. die zu Meinze
wonint. die in dem vriden wollint. fin.
- 0,4 Allez daz hie nach gefchribin fted fefte vnde ftede zu haldene. fon deme
dage als der brief gefchribin ward. bit offe
- 0,5 fente Mertinis dag. der nu allir nehift komin fal. Fon allir erft fo setzin wir
vnde machin daz dekein burger
- 0,6 fon Menze. fal eifchin in die ftad zu Meinze dekeinē vzman in der Stede
laftir odir fchadin. odir iemans der in Meinze
- 0,7 ift. Swer auch alfus in die ftad geeifchen wirt. an deme mag nieman den
vriden brechin. Vnd wanne die meifter
- 0,8 daz bevreifchint fo fullent fie in anefprechin. vnd der burg der die vzlude in
die ftad hat geeifchit. wird er beredit.
- 0,9 er fal uze Meinze farin ein iar zu bezerunge. in den ahte dagin als ime die
burgmeift gebiedind. odir fal fich inflahī
- 0,10 bit fim eide. Jft iz auch daz er niht fwerit odir vzfert in den ahte dagin. So
fal er zwei iar uzer Meinze varin nach
- 0,11 der meift gebode. Vnd ift iz dañe daz er uze Meinze niht invert. So fulin
die burgmeift den rad manī in zu helfene
- 0,12 vnd dar nach den burg anegriffen. vnd in der Stede Sloz legin einē mand.
bit der helfe die in deme rade fint. Vnd
- 0,13 fal darnach vzfarin alfo hie vor gefchribin fted. Vnd ift daz er dan niht vzfert
fo fal man in alfo lange. in daz
- 0,14 Sloz legin. als der rad wil So setzin wir vnde machin daz nieman in Meinze.
drage offenliche odir heimeliche.
- 0,15 nahtis adir dagis. diekein panzier. halfberg. Stichmezzir. odir wane
Stichmezzin fcheiden. odir andir
- 0,16 ergliche wafin odir wapin. vnd git man des ieman fcholt. der fal fich inflahin
bit fim eide. odir fal vier wochī
- 0,17 vzir Meinze varn. Auch machin wir daz dekein man fal machin zu Meinze.
offenliche odir heimeliche dekein
- 0,18 ergliche haufunge. odir famenūge. Wem auch die Meiftir des fchold gebint.
er vnd die andiren pfonē follent fich
- 0,19 des inflahin bit irm eide. odir fulen ein halb iar vzer Meinze varn. Jft abir
daz er vnd die perfonen. niht fwerint

- 0,20 vnd darnach niht vze Meinze varnt als iz die bur̃gmeiſt̃ in gebiedint. So ſal
er oder die p̃fonē. darnach faren
- 0,21 vzer Meinze ein iar. ob ieman der geletzit iſt oder befwerit. oder des frund
befwerit ſin oder geletzit. Als in
- 0,22 die zwene. meiſter oder ein meiſt̃ Friden gebiedent vnd der den vriden niht
gelobit bit drauwīn. der ſal vze Meinze
- 0,23 varin ein iar. vnd iſt daz der ſelbe. oder andir die vbir der meiſt̃ oder des
meiſt̃irs gebod den vriden brechint
- 0,24 bit der dat. der oder die perſonin ſulin der bezzernge zwa. [dun] Jſt daz
ieman zu Meinze. vze ſime hus. vze ſime
- 0,25 houe. oder vze der gazzin da in die bur̃gmeiſt̃ vindint daz er bit ſinen vrundin
leufit wider der meiſt̃ gebod vnd
- 0,26 brichit den vriden. der ſal vze Meinze varn zwei iar. vnd ſime midevol̃g̃ ſulint
der bezzernge zwa dun.
- 0,27 Wel da zuſamne. fwerint oder gelobint. in der Stede laſtir oder ſchadin. oder
iemans der in Meinze iſt. git man ime
- 0,28 des ſcholt. er ſal ſich des inflahin bit ſim eide. oder ſal ein iar uze Meinze
varn. Daz nieman of dem radhus oder
- 0,29 andirſwa. da die radherrin zuſamne k̃ment ſal machin keinē obirbraht in
deme rade. vnd wer dar wider dut. der
- 0,30 ſal da lidin vnde bezzern. als daz merre teil des radis heizit. Vnd iſt ieman
vzwendig des radis der die Radherrin
- 0,31 widerrufet vnd daz ſie machint der ſelbe vnd ſime midfol̃g̃. die ſulin vze
Meinze varn einen mand. vnd darnach bez̃zin
- 0,32 als daz merteil des radis ſpricht. Daz vnſir bur̃gmeiſt̃. vnd andir von deme
rade. die zu dage rident. fon der zit daz
- 0,33 dirre brief gegeben wart bit offe ſente Mertinis meſſe geleide gebin vzludin
in die Stad zu Meinze. Vnd ſal mā daz
- 0,34 kundin den die da geleidigit ſint. Ane den die in des richis ahte ſint oder
die die Stad geraubit oder gebrant hant.
- 0,35 Daz kein bur̃g zu Meinze bit wapenin oder bit gewapintē ludin ſal dekein
vzmā zu helfe kumī oder helfe t̃n.
- 0,36 iz inſi dan bit der meiſt̃ heize vnd vrlaube. Vnd ſal auch daz geſchehin ane
der Meiſt̃ geuerde. Wer daz brichit der ſal
- 0,37 vze Meinze varn ein iar. vnd ſal darnach bezzern als ime daz merreteil des
Radis gebudit. wird er des beret.
- 0,38 Bur̃g von Meinze. die of dem lande vm ir ſelbis gud hant guſchaffene. die
mugin wol bit wapenī vm ir ſelbes geſchefniſſe
- 0,39 riden vnde varn. als in vugin mag ane geuerde. vnd an arge lieſte. Wer den
anderin zu Meinze. ergliche heimfuchit.
- 0,40 bit ſtozne oder bit werfene. an ſin hus da er inne wonit. oder daz ſime da
niemit ane gerehte. iſt daz man is
- 0,41 ime ſchold git. er ſal ſich inſchuldigin bit ſim eide. oder ſal ein vierteil iaris
vze Meinze varn. Jſt abir daz man in der
- 0,42 heimfuche beredin mag. bit zwein biderbin mānīn. er ſal deme bez̃zin. dem
die heimfuche geſchehin iſt vnd auch dem gerehte.
- 0,43 darnach daz der freuil iſt. Wel bur̃g zu Meinze einē ſinen bur̃g vzwendig
Meinze. an ſime libe oder an ſime

- 0,44 gude leidigit odir befwerit. wirt er des beredit er fal bezzin gliche als er daz
in der ftad hede getan. Wel burĝ zu Meinze
- 0,45 den andirn wundit zu Meinze. mag man. in des beredin. bit zwein
biederbin mañē. als man ime des scholt git. der fal uz
- 0,46 Meinze varn ein vierteil iaris. vnd e er wiđ in Meinze var. fo fal er. gebin
dem den er gewond hat zwei pond heller
- 0,47 ob er fie vordert. vnd der ftad fonf pond hell zu bezzerunge. Vnd fal zu
Meinze niht wider in varin er inhabe daz gelt
- 0,48 gegeben odir pand die da bezzir fin. Vnd vert er ubir daz in die ftad er fal
der bezzerūge. zwa dun. Vnd ift daz er des
- 0,49 geldis niht inhat. fo fal er niem in die ftad kūmī. Wer den andin blutruntfec
machit reufit odir flehit. wañe
- 0,50 man ime des scholt git. mag in beredin bit zwein biederbin mannī. vnfen
burgin. er fal varin vz Meinze einen
- 0,51 mand vnd fal gebin ein halb pund dem der da geletzt ift. ob er daz fordert.
vnd der ftad ein pond heller. vnd fal die
- 0,52 pennige gebin e. er wieđ in die ftad kume. dud ē des niht fo fal er der
bezzerunge zwa dun. Vnd ift daz ē des geldes
- 0,53 niht inhat. fo fal er vz Meinze varin ein vierteil iaris. Wel burĝ. einē burĝ
zu Meinze bit forgefaztem rade. einē
- 0,54 burĝ fon Meinze dot flehit mag man in beredin bit zwein biederben mañī.
vnfen burgin. der fal uz Meinze varn. vonf
- 0,55 iar. vnd fal niht wiđ in die ftad kūmī er inhabe. fonerft gegeben drizic pund
heller. fonfzehin pund der ftad vnd
- 0,56 fonfzehin pund dem gerehte. vnd von allir erst. des dodin vrondin
gebezzirt. ift abir daz ein burĝ den andin
- 0,57 fon gefchihte. ane ofgelaht dod Slehit. mag man in des beredin bit zwein
biederbi mañī vnfin burgin. er fal uz Meinze
- 0,58 varin zwei iar. vnd fal gebin drizig pond heller. halbe der ftad. vnd halbe
deme gerehte. vnd des dodin frund for
- 0,59 abelegin. e. er widir in die ftad kume ift daz kein burĝ zu Meinze einen
anderin burĝ fon Meinze. an eim
- 0,60 augin odir an zwein blendit. mag man in des beredin bit zwein biederbin
mañī. der fal uz Meinze varin vonf
- 0,61 iar nach der meift gebode. vnd fal gebin drizig pund. der Stad fonfzehin
pond. vnd dem gerehte fonfzehin pond
- 0,62 e er wider in die ftad kume. vnd fal des geblanti vrund. vnd in fon erft
abelegin e er widir in die ftad kume.
- 0,63 ift daz kein burĝ zu Meinze. einen man der fich in Meinze genert vnde
gewert. fehīt odir firfpehit odir hilfit vahin
- 0,64 der burĝ. vnd fine helfer burĝ zu Meinze. die fuln vz Meinze varn vnde
niem in Meinze komī. Wel burĝ zu Meize.
- 0,65 odir ein andir man vzer Meinze. dekeine iunfrowē. odir vrowen. in Meinze
odir vzwendic Meinze. fehīt odir raubit der
- 0,66 fal uzer Meinze varn vnd niem wieđ in Meinze kūmī er und fine midevolĝ.
Vnd allis des gudis daz die vrowe ođ die
- 0,67 Junfrowe hat odir fie ane irfterbin mag. des fal mā in niht me gebin wen ir
noddurft. vnd den manne nifniht. Vnd

- 0,68 ift daz die vrowe odir die iüfrowe. gud hat. odir fie anirfterbin mag. vnd bi
dem manne stirbit. daz gut daz fie lazint
- 0,69 daz fal. of ir nehiften erbin vnd niht of den man. odir fin erbin fallin odir
fterbin. Jft abir daz die vrowe odir die
- 0,70 Junfrowe. nach des mañis dode. wiedir zu Meinze vert. vnd ir gud wieđ
eifchit. der fal man ir gud alliz wieđ gebin
- 0,71 Vnd ift daz der felbe man. nach fime dode lezit dekein gut in Meinze odir
in der grafchaf zu Meinze. daz fal der
- 0,72 Stad fin. Kein burğ fon Meinze fal fine miedeburğ vzer Meinze ladin for
den kunig. vnd wer daz bricht der
- 0,73 fal vzer Meinze varin ein iar. vnd fal vze Meinze also lange fin als daz merteil
des Radis fprichit. Wel man
- 0,74 odir vrowe burğ zu Meinze. wil klagin odir klagit of eins andrin fins burğs
gut vzwendig Meinze gelegin. vmme
- 0,75 fcholt. kumit ē zu den burğmeiſtīn. vnde klagit in daz. ſo fult die burğmeiſt
hime gebieden der of daz gud klagit.
- 0,76 daz er for in reht odir gulde neme. dut. dan ime of des gut geklagit der
gulde odir reht in den vierzehin nahtī
- 0,77 als ime die burğmeiſt gebodin hant. ſo mag der andir of fin gud klagin.
vzwendig Meinze. odir an geiflichī
- 0,78 gerehte innewendig Meinze. Wel burğ zu Meinze fine burğfchaf of git. vnd
klagit of eins burğs gut.
- 0,79 fon Meinze. daz der niem fedelhaf in Meinze fal werdin. Wa die Stad fehede
hat. vnd unfen burgīn vrlaub
- 0,80 wird gegebī zu pendene. die pand fal man antwurtē den burğmeiſtīn. also
lange bit wir uns firrehtin bit den
- 0,81 offe die gepand ift. Wel burğ. zu Meinze. die vrogenantē vbeldedigīn. die
dotflag. wundē. blutrūfte. reufin
- 0,82 odir Slahin hand getan. Jn des daz fie in bezzerūge. vze foldin fin vnd niht
warī vzgeuarn. odir die e. der zit zu
- 0,83 Meinze wieđ in varint. vnd niht vzgeuarī fint. als hernach gefchribin ift.
Wer die er ſi burğ odir widewe. Wer die
- 0,84 in finer herberge heldet heinliche odir offinbar. ift daz man dem burğ. odir
der widewī. ſchold git dar umē. Sie fulint ſich
- 0,85 des inflahin bit irm eide. odir fulnt vze Meinze varn. vnd zwiueldige
bezzerūge liden. nach der miſſetad der felbin freueler
- 0,86 ift abir daz die vrowe odir die widewe niht fwern wil. fie fal inne ligen einen
mand. Jft daz iman den andrin ergliche
- 0,87 heimfuchit bit wafinē odir ane wafin. wie er ſich werit gein finem vigende.
in fime hus. in fime houe odir in finem
- 0,88 vrafmūde da er inne wonit dar ane hat er niht der ſtede vriden gebrochin.
Wel man odir vrowe burğ zu Meinze
- 0,89 for eins andirī burğs hus in Meinze ged und den. ergliche her uz eifchit.
der odir die fulin vze Meinze varn ein
- 0,90 vierteil iaris. Wel burğ. zu Meinze vtzwendig Meinze vigende hat. vnd
mezzir eifchit zu dragene der fal fine vehide
- 0,91 den meiſterin fagin. ſo fulint fie fine vehede irvarn. ob fie die niht wizzent.
vnd darnach ſo fulin fie vrlaub gebin

- 0,92 dem burg. vnd finen kindin. vnd finē knehtin die fin brod ezzint mezzir zu
dragene. vnd die fine kleidir dragit
- 0,93 vnd andir gewepnisse an fime libe diewil fin vehede wert. Wer auch fache
daz der burg. fine kind vnd fine
- 0,94 knehte. indes ieman zu Menze leidigent odir letzin. der felbe odir fine
knehte die fulint bezzin als dauor geschribin
- 0,95 ift. Wel iude ein andrin iuden zu Meinze wundet odir flehit. odir einen
criftenī der fal vm daz flahin gebin
- 0,96 fonf pund. vnd v̄m die wondin zehin pond. heller vn fal zu Meinze inne
bliben. Vnd hat er des geldes niht. fo fal
- 0,97 er also lange vze Meinze varn. bit er des bered wirt bit zwein biederbin mañi.
eime iuden vnd eime criften. bit er daz
- 0,98 gelt giebit. Wer ieman zu Meinze. iz si vrowe odir man. der sich
vmbefcheidenliche anelegit. dauon fine vrund mogi
- 0,99 gefmitzit werden. vnd die vrund den meistin daz kundint vnd vorelegint
den mugint die meist vrlaub gebin daz
- 0,100 sie die keftigin. vnd halden also daz iz in an den lib niht inge. Wel man zu
Meinze inne wonide ift der Rutinge
- 0,101 dregit. odir fwert. odir befeler der fal uz Meinze varin ein vierteil iaris. ift
daz nahtis odir dagis ieman leufit
- 0,102 bit wafenī zu den vure. als er die glockin horit. vnd dut daz zu helfe ime
der da burnid. ift daz man in darūme anesprich
- 0,103 er fal sis inflahin mit sim eide. daz er die wapin habe getragin ane geuerde.
vnd dar ūme ift er niht schuldig keine
- 0,104 pine. Wele. vrowe zu Meinze ein andir vrowe Slehit. Stozit. reufit. odir
wundit. wirt sie is beredit bit zwein
- 0,105 mañen odir vrowin. die fal inne ligen einen mand. vnd fal ein halb pund
heller gebin der stad e sie uzge. vnd hat sie
- 0,106 des geldes niht. fo fal sie zwene mande inē ligin. Wer ieman zu Meinze. er
si vrowe odir man. criftin odir iude
- 0,107 der dem andin drawit vm fin gud. ift daz der dem getrauwit wirt dem
burgmeist. odir eim andin manne fon deme rade
- 0,108 sagit den dreuwē. die fulint nach dem dreuwē fenden daz er fon ime reht
neme. vnd ift daz er des niht indut fo fal der
- 0,109 dreuwē nach der meist's gebode vz Meinze varn. ein vierteil iaris. vnde dut
er des niht. fo fal er der bezzerūge zwa dun.
- 0,110 Wer abir fache daz der selbe dreuwē. als er wieđ in die stad kweme. vm fin
vzfart dem selbin andirwerbe dreuwite. fo fal
- 0,111 er anderwerbe vzfarin ein iar. vnd waz schadin ime deme getrauwit was
darnach fon des dreuw's wegin geschehe.
- 0,112 des fal die stad warten of des dreuw's lib unde gut. Jft daz kein lihte man.
ein bose p̄sone. vnd ein virlaumudit
- 0,113 bosewiht. als iz die meist irvarint einē erfamī man bosliche handilt bit wortī
odir bit werkin. ift daz den bosewiht
- 0,114 reufit odir flehit dar ūme ift er niht schuldig dekeine pene. Jft abir daz der
biederbe man. firtregit durch fine biderbekeit
- 0,115 die bose wort odir werk. vnd daz dar nach bringit in den rad bit kuntschaf.
den bosewiht fal man fere flahi

- 0,116 bit ſtebin of des bieſchoues houē. vnd ſal in uze Meinze. driben ein iar. vnd
alfo lange als die ſtad wil.
- 0,117 Jſt daz ieman. iz ſi nahtis odir dagis. gewapint zu eime geſchreie odir zu
eim geſtobē. dar umē iſt er niht ſchuldig.
- 0,118 dekeine pene. odir bezzerunge. Jſt aber daz man in darumē aneſpricht. er
ſal ſich des inflahin bit ſim eide. daz er dare ſi
- 0,119 komen durch der ſtede. ere. vnd durch daz beſte. Wel burĝ zu Meinze einē
man. fŵ er iſt. letzit. heizit odir redet leidigī
- 0,120 odir letzin an ſime libe odir an ſime gude. Wanne man im des ſchold git er
ſal ſis inflahin bit ſim eide. daz er daz niht
- 0,121 geradin. odir geheizin odir getan habe. dut er des niht er ſal bezzīn als ob
er daz bit der hand getan hede. als hie vor ſted
- 0,122 geſchribin. Wel man heizit eine vrowin zu Meinze. ſlahin. ſtozin. odir
reufin. der ſal bezzīn den vrevil. als er daz bit d
- 0,123 hand hede getan. Jſt abir daz ein lihte wib vnd ein firlaumūdit boſe vrowe.
einen man bit boſin wortē vnde werkin
- 0,124 anebringit. flehit. reufit. er odir zuhtigit ſie. oder er daz boſe wib. dar umē.
ſint ſie dekeine bezzerūge ſchuldig. Wel man
- 0,125 zu Meinze einē man. der zu Meinze ſitzit. vnd ſich da inne generit vnd
gewerit. leidigit odir letzit der ſal bezzīn nach
- 0,126 finer miſſetat. als hie vor geſchribin ſted. Wel burĝ geleidigit gerauft
geſlagin odir gewond wird. daz ſal er klagī
- 0,127 den meiſtīn. daz iz den meiſtīn vorekome in dem mande als er geleidigit
odir geletzit iſt. dut ē des niht ſo ſal man ime niht
- 0,128 rehtin. Wa zwene burĝ zu Meinze. krieg odir vehede biteinanđ hant vnd
ſich niht wollint funē lazin. daz die burĝmeiſtē
- 0,129 maht habin ſie zu virrehtene vnd zu funeñe. Vnd welch die fune brichit vnd
ſie. bede. der odir die fulin vŷ Meinze
- 0,130 ſin alfo lange. bit ſie die fune die die burĝmeiſt hant gemaht ſtede halden
vnd wollin vure. Daz alle unfir burĝ
- 0,131 die der vorgeantī bezerūge zwa ſolden dun. vnd niht indunt. vnd darubir
in der ſtad blibent vn niht vz farint. die fulin
- 0,132 die meiſt anegrifin vnd in der ſtede floz legin alfo lange. als der Rad wil.
Daz nieman zu Meinze ſal halden mütlude
- 0,133 die ieman dienen. odir gebin. iz ſin criften odir iuden. Vnd iſt iz daz in die
meiſt darumē aneſprechint er ſal ſich des
- 0,134 inflahin bit ſim eide odir ſal uzer Meinze varn ein vierteil iaris. vnd darnach
dun vnd bezzerin als daz merteil des
- 0,135 Rades ſpricht. Jſt iemañis. fadir odir muder. ſweſt odir brudir. nieſtil odir
mag. der uzer Meinze in bezzerūge
- 0,136 was gevarn. fuerliche betteſiech ligit odir dod iſt in Meinze. der ſelbe mag
wol in Meinze varin ahte dage ſinen
- 0,137 vrund zu ſehene. vnd ſal daz bit der meiſt vrlaube geſchehin. vnd nach den
ahte dagin ſal er wieđ uz Meinze varin in
- 0,138 ſine bezzerunge. Wel vrowe zu Meinze woninde iſt. die da leidigit odir
letzit. odir heizit Jemañe leidigin odir letzin
- 0,139 iemannī zu Meinze. der ſich da inne generet vnde gewert. an ſime libe. odir
an ſime gude iz ſi vrowe odir man. wañe

- 0,140 man ir des scholt git sie fal sich intschuldigin bit irm eide. daz sie daz niht
geheizin. geraden. odir getan habe. vnd
- 0,141 ist daz sie niht infwerit so fal sie inne ligen also lange in irme hus odir vze
Menze varn. ab sie wil. vm ir miffetad
- 0,142 als ein man. der uz folde varn. nach finer miffetad. als hie vor geschribin
ftet. vnd fal niht geldes gebin.
- 0,143 Auch nemin vz funderliche. daz wider vnsem eide vnd vnsem gemechnisse
niht infi. daz hie vor geschribin ist
- 0,144 waz wir bit den iuden fon Meinze dun. schaffin. vnd vbirdragin. Wel
radherre der in der stat zu Menze ist. vnd
- 0,145 der iz mag gedun for libes nodin. disen Brief in difem mande niht fwerit
stede zu haldene. der fal in difem iare niht
- 0,146 in den rad gen. Wer die iuden vrowin odir man. zu Meinze leidigen. odir
letzit. an irme libe odir an irme gude. der
- 0,147 fal der vrogenantin bezzerunge zwa dun. Auch ist iz daz ieman in der stede
bezzeruge swliche vze Meinze wirdit
- 0,148 bettesich der mag wol in Meinze varn in finer suchede vn[d] da inne virliben
also lange. bit er gen und sten mag. vnd
- 0,149 dar nach fal er wider uz farin in fine bezzerunge. Daz wir alfe dife vorwort
zu vilzbach follin halden alfe zu
- 0,150 Meinze. wand vilzbach ligit zu allen deme rehte alfe Meinze. Wer uz Meinze
vert in der stede bezzeruge der mag
- 0,151 wol sin wa er wil. wen zu Meinze vnd zu filzbach. Wem die meift. odir der
Stede knehte forgebiedent. vnd niht
- 0,152 fore kumit den fal man penden. vor einē schilling kolschir. Vnd ist daz er
zu dem andrin mal. niht forekumt. vnd niht
- 0,153 vz Meinze vert nach der meift gebode. so fal man in anderwbe penden. for
einē schilling kolschir. Vnd ist daz er zume
- 0,154 drittē mal niht fore kumit als im die meift odir ein felbe gebudit. so fulin
in die burgmeift anegrifin. Vnd fulint
- 0,155 in in der stede floz legin ahte dage. Vnd ist daz er darnach niht uzfert. so
fulin in die meift wieđ in daz Sloz legē also
- 0,156 lange als daz merteil des rades sprichit. Daz nieman zu Menze fal riden. bit
fwertin. bit Rutingi odir bit stich mezzerin.
- 0,157 odir bit buckelen odir bit anderm gewefene. er wolle dane zu velde ridin.
Vnd wer daz brichit der fal bezzerin
- 0,158 also gienge er of der erden. iz infi daz man steche. odir tornei habe of dem
houe. Wer die bredig. augustinre
- 0,159 barvuzin. wize bruder fon Meinze. heimfuchint. leidigit odir letzit. der fal
bezzerin nach finer miffetat als hie
- 0,160 vor geschribin sted. Wel munich odir noē. die gehorfemde. irm appete.
probiſte odir eppetissen hat getan
- 0,161 vnd uz leufet vnd in die stat zu Meinze ged. Ist daz der appet. prior. probist
odir eppetisse. vnd ir obirſte meiftschaf
- 0,162 sie wider in ir kloſtir eischint. die abornige munche odir noēn. die fulin
wir wieđ antwurten ir obirſten meiftschaf
- 0,163 ob sie daz fordint. Daz alle die zu Meinze inne wonit. vnd sich da inne
nerint vnd gewent. diz forgenante

- 0,164 gemechniffe stede vnd veste halden. vnd wer daz brichit der fal den vreuil
bezzerin als hievor geschribin ist. Daz
- 0,165 alle diese vorgeantē vreuel vnd bezzerunge. vnser burgmeiß einer odir bede
fullint forderin dun. vnd vor sich
- 0,166 gebieden bit irm eide. als hie vor bit funderlingin artikelin geschribin ist.
vnd bescheiden. Vnd ist daz ieman dar
- 0,167 wiedir ist vnd sich gein in setzit. dar zu fulin sie uns manen vnd anesprechin.
vnd fulin wir in helfen nach unfir
- 0,168 maht bit allem vlize. Daz nieman zu Meinze fal machin odir setzin daz wider
der rad si. odir wiß des radis
- 0,169 gemechniffe. welirleie daz si. vnd w daz brichit er vnd sine midevolg. die
fulin nach der meiß gebode. zu bezzerüge
- 0,170 vze Meinze varin zwei iar. Jst abir daz iemā id gudis findet daz der stat vnd
deme rade gut ist. odir weiz daz der stat
- 0,171 Schedelich odir er[g]lich ist. der fal iz den meißin. vnd deme rade fagin.
vnde forbringin. Daz wir der rad alle die
- 0,172 einunge die wir in dem rade machin fulen stede halden. vnd welhir unfir
die briechnit. der fal der einūge zwa gebin
- 0,173 Daz wir alle dife artikele als die hie vor geschribin stend vnd bit offentlichin
worti bescheiden sint fulin veste
- 0,174 vnde stede halden ane geuerde und an arge liefte. vnd des helfe uns god.
amen. Auch wart dirre Brief geschribin
- 0,175 vnd gemachit. in des iaris friste. als man zelit fon gods geburte. dufint iar
drau hundirt iar.
- 0,176 Wel man sine burgschaf ofgit zu Meinze. vnd of eins andrin burgs gut klagit
fon Meinze. der fal
- 0,177 vz Meinze ein iar farin. vnd fal dar zu also lange. vz Meinze sin vnd
bezzerunge dun. als daz merteil des
- 0,178 rades spriechnit. vnd fal fon allir erst fon der klage lazin. Wel man zu Meinze
inne wonit. vnd der vorgechriben
- 0,179 vreuil einē odir me tud. odir kuntliche wil dun. vnd sich firbirget als in die
meiß. odir ein fuchit. der
- 0,180 meiß. vnd sich niht wil lazin vinden. in des freueleris hus odir hof da er
inne wonit. fullint die meiß
- 0,181 odir ein meiß kuntliche fagi. vnd gebieden den vriden. Vnd brichit ē dar
nach den vriden so fal er bezzin den
- 0,182 freuil da nach der vreuil ist. glichirwis als heden die meiß. odir ein meiß
ime den vriden gebodin
- 0,183 Jst daz die stat offinlich vnd gemeinē krieg hat. daz alle unfer burg die in
der stede bezzerunge. vne vreuil
- 0,184 vz der stat sin. ane aleine die dotslag hant getan. daz die wider in Meinze
varn. diewile daz alsoflich krieg
- 0,185 werit. ob daz merteil des radis des zu rade wirt. vnd wann die burgmeiß sie
heizint wiß uz farin. so fulin sie in
- 0,186 ir bezzerunge wider uz farin. vnd also lange vze sin als sie foldin sin gewesin.
Daz dekein ordin in Meinze.
- 0,187 fal vnfir stede vriheit brechin. odir understen zu brechene. Vnd wel ordin
dar wider tud der fal in der stede vridē niht

- 0,188 fin. Wer vreuel̃t in dekeine munft̃. cloft̃. odir kierz in Meinze. daz der
zuiueldige bezzerũge fal dun
- 0,189 vnde liden. Wer iz daz kein vnſir bur̃g. einẽ vnrehtin krieg odir fache hat
gein iemañe. gebe er den krieg
- 0,190 odir die fache ein vzmañe. alfo daz der ſtat ſchade odir ſchade dan abe
kweme des fal man warten of des lib vn
- 0,191 gut. Daz niemā in dem rade fal neñ dekeinerhande gut odir lehin fon
iemañe daz wider der ſtede vriheit odir
- 0,192 ere ſi. vnd w̃ daz brichit der fal niẽ in den rad koñ. Wel man odir vrowe
erbe hat in Meinze. Sie wonin
- 0,193 in Meinze odir niht for der erbe man geſteinẽt hat. vnd man noch ſteinẽ
fal. vnd ſie den zwein den iz die ſtat beuolin
- 0,194 hat vnd noch beuelit. des geldes niht ingebint. daz die mũg̃it pand forderi
an den. wes daz erbe iſt odir
- 0,195 da inne wonit. vnd gebint die des geldes niht. in den ahte dagin. fo fult ſie
vz Meinze varin einen mand vnd alfo
- 0,196 lange uze Meinze fin. bit ſie daz gelt gegebint Jft auch fache daz iemā vzir
Meinze wonit. vnd erbe in Meinze
- 0,197 hat. vnd des geldes niht ingiebit. fo fal der w̃ in dem erbe wonit. daz gelt
gebin. vnd fal alfo lange in dem erbe
- 0,198 fitzin vnde wonin bit er daz gelt an dem zinſe virſitzit. vnd fal in die ſtat des
werin. Jft daz iemā in Meinze
- 0,199 miſt. erdin. ſteine. kerfal. odir andir vnſledikeit in die gazzin. odir for fin
felbis hus odir hof dut dragin odir
- 0,200 ſchudet. dar fal iz alle wochi an dem ſamztage uż Meinze ſchaffin odir fal
ein halb pund hellẽ gebin Jft auch
- 0,201 daz ieman buwit vnd durch nod holz odir ſteine. ođ andir ding daz dem
buwe horit niht alfo zitliche mag.
- 0,202 in weg geſchaffin. des nod follin die viere betrahtin. die ubir den buw gefatz
ſint. Wel [...] dekeiner
- 0,203 leie [...] vndir ein andir [...] iemans [...] andirs hus. hof odir gartin dut
dragin odir ſtozit
- 0,204 odir vnſlat dut von ſchamt odir ſchande. mag man in des beredin bit eime
biderbin man odir vrowin den fal mā
- 0,205 penden vor ein halb pund hellir alfo dicke als er daz brichit. odir er fal ſich
inflahin bit ſim eide. Wel iude eiſchit
- 0,206 kein vnſen bur̃g. Wie zu helfene zu ſiner fache zu iudeſchim rehte. der iude
fal gebin vonfzig pond heller. zu bezzerunge
- 0,207 der ſtat. vnd hiner den er darzu eiſchit der fal uz Meinze varin einẽ mand
zu bezerũge Wel bur̃g.
- 0,208 zu Meinze. gefalzene. odir grune vieſche. friſch odir gefalzin durre odir
grune keufit um einẽ gaſt. der fal iz ime
- 0,209 gelden of die zit als er gelobit. odir man fal in da uor pend̃i. wa man in des
bit gudir kuntſchaf beredin mag.
- 0,210 Waz die meiſt̃. eiñ odir bede ſprechint. w̃ ſie des widertribit. vnd daz
widerredit er ſi in dem rade odir vzwẽdig
- 0,211 der fal uze Meinze varn ein vierteil iaris. Wer einẽ kaufman ſlehit. odir
reufit um daz ſine. der fal bezzin

- 0,212 glicher wis als er daz eine burĝ hede getan. Wel man zu Meinze den andirn
anegrift ane gerehte vnd ane
0,213 klage. der ſal varin v̇ Meinze ein vierteil iaris. Jz inſi daz man ime reht
firſage. Wel burĝ einē kum̃ir
0,214 wil dun. der ſal in bit der meiß̃ orlaube dun. iz ſi in Meinze odir vzwendig
Menze. vnd ſal den kum̃ den burĝmeiß̃in
0,215 antwurti. ob ſie den eifchend. vnd wer des niht dut der ſal uz Meinze varin
ein vierteil iaris vnd ſal
0,216 darnach dun als daz merteil des radis ſprichit. Daz niemā der zu Meinze
wonit vnſir burĝ. er ſi vrowe
0,217 odir man. laden ſal den añin um̃e keine ſcheltwort. kumit der kleĝ for die
burĝmeiß̃. vnde klagit in. die
0,218 fullin in heizin. daz er dauon laze. vnde dut ẽ des niht. ſo ſal ẽ einē mand
vz Meinze varn. vnd ſal doch dauon
0,219 lazin. Wem die meiß̃ den vriden gebiedent zu haldene. brichit ẽ den bit den
werkin. ſo ſal ẽ zwei iar uze
0,220 varn. Brichit er in abir bit den wortin. ſo ſal er vze Meinze varn ein halb iar.
der man ſal uzſarin.
0,221 die vrowe ſal inne ligin odir vz farn.